

01. August 2016

Inatsisartut suleriaasianni § 33 naapertorlugu aallajangiiffigisassatut siunnersuut imaattoq matumuuna ingerlatippara:

**Meeqqat atuarfianni ilinniusiat (atuartitsissutit) qaffasissusaanik Naalakkersuisut misissueqqullugit peqquneqarnissaanik Inatsisartut aalajangiiffigisassaattut siunnersuut. Misissuinermit inerniliussaqa UKA2017-imi saqqummiunneqassaaq.**

(Inatsisartunut ilaasortaqa Suka K. Frederiksen, Siumut)

**Tunngavilersuut:**

Piffimmi qaangiuttumi Meeqqat atuarfiat pillugu nalilersuinerit misissuinerillu arlaqartut ingerlanneqarput. EVA-p misissuinerani paasisat tunngavigalugit meeqqat atuarfiini allannqortiterinerit sukaterinerillu ingerlanneqartariaqartut oqariatuutigineqarpoq.

Ilinniusianik kalaallinut tulluurtunik ataqatigiisakkanik peqanngilaq, tulluarsagaasunik ilinniartitsissuteqanngikkaluartoq angusaasartut nalilersorneqartarput ajorpallaartut inissinneqarlutik uffali tunngavippiaat nunatsinni innuttaasut aallaavigalugit ilikkarsinnaanermut tunngaviusariaqartut atorineqanngikkaluartoq.

Ilinniusissanik nutaanik peqanngilaq ullumikkullu ilinnusiaasartut tassaasarput ilinniartitsisuusut piimassuseqartut nammineq saniatigut suliarisartagaat. Tamanna naqissuserneqarpoq EVA naliliinerani imm. 6.3-mi ilinniartitsisunngorniartut/ilinniartitsisut nammineq ilisimatuussutsikkut ilisimatusarnermik aallaaveqartunik atuartitsissutinik peqanngimmata nittartakkatigut nammineq piimassutsi atorlugu ujartuisoqartartoq.

Tamanna pitsaanerusumik suliarineqartariaqarpoq ullumikkullu ilinnusiassanik nutaanik peqannginneq qaangerneqartariaqarpoq immikkullu siunnerfimmu aningaasaliinissaq pisariaqarpoq.

Isumaqarpunga pingaaruteqartoq nunami atuuffimmi atuartitaanerit ilisimasat tunngavigalugit nalilerneqartartussaasut, taamaattumik pingaaruteqarpoq sammivilersuiniarnerni misissuinermik aallaavilimmik ilisimasanik pigisaqarnissaq aallaaviusariaqartunik.

Meeqqat atuarfiat pineqartillugu ilinniusiat qaffasissusaat takussutissaqartariaqarpoq pingaartumik nunanut allanut sanilliussinerit ingerlaavartumik piutillugit.

Taamatut oqaaseqarlunga aalajangiiffigisassatut siunnersuut ingerlatippara.

**Pisortanut allaffissornikkut aningaasatigullu kinguinissai**

Ilimagineqassaaq misissuineq inuup ataatsip ukiumut naammassisinnaasai naapertorlugit ukiup kuartii pingasuni AC-mik atorfillip sulisinneqarneranik sivisussuseqassasoq. Aningaasartuutit 375.000 kr. missaani annertussuseqassapput, aningaasartuutitut ilaallutik qallunaatuumiit kalaalisuumut nutertinneqarnera. Aningaasartuutit naalakkersuisoqarfuo ukiumoortumik aningaasartuutissanut missingiutaaniit tiguneqassapput.

**Namminersorlutik inuussutissarsiortunut allaffissornikkut aningaasatigullu kinguinissai**

Soqanngilaq

**Innuttanut allaffissornikkut aningaasatigullu kinguinissai**

Soqanngilaq